



Bilten Saveza općina i gradova Federacije Bosne i Hercegovine



Godina: XX

Datum: 03.02.2023.

Broj: 284

ODRŽANA 6. REDOVNA SJEDNICA PREDSJEDNIŠTVA SKUPŠTINE SAVEZA OPĆINA I GRADOVA FEDERACIJE BIH

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

Šesta sjednica Predsjedništva Skupštine Saveza općina i gradova Federacije Bosne i Hercegovine održana je 31.01.2023. godine u hotelu "Hotel Blanca Resort & Spa" na Vlašiću u Travniku.

Sjednicom je predsjedavao predsjednik Predsjedništva Skupštine Saveza Hamdo Ejubović, a prisustvovali su zamjenik predsjednika Mladen Mišurić - Ramljak te gradonačelnici/načelnici i predstavnici općina i gradova Ljubuški, Ilidža, Novi Grad Sarajevo, Domaljevac - Šamac, Travnik, Livno, Kalesija, Neum, Sarajevo i Banovići u svojstvu članova Predsjedništva Skupštine Saveza ili izvjestioca po pojedinim tačkama sjednice.



Sa sjednice Predsjedništva, Travnik, 31.01.2023.

Kada je u pitanju Zakon o izmjenama Zakona o vodama Kantona Sarajevo, Predsjedništvo Saveza je donijelo zaključak da Savez, u ime jedinica lokalne samouprave Kantona Sarajevo, prema Ustavnom sudu Federacije BiH podnese zahtjev za zaštitu prava na lokalnu samoupravu u vezi sa ovim Zakonom. Savez nije konsultovan prilikom usvajanja predmetnih izmjena Zakona o vodama KS, a što je zakonska obaveza propisana članom 56. Zakona o principima lokalne samouprave u FBiH. Osim toga, Predsjedništvo je stava da je prekršen i član 34. Zakona o principima lokalne samouprave FBiH koji propisuje da svaki prijenos dodatnih nadležnosti prati i prijenos adekvatnih izvora finansiranja.

Predsjedništvo Saveza je informisano o aktivnostima na revidiranju modela finansijske samoodrživosti obuke za zaposlenike i izabrane zvaničnike u jedinicama lokalne samouprave u FBiH, a koje je pokrenulo Koordinaciono tijelo za obuku. U skladu s tim, Predsjedništvo je podržalo ove aktivnosti kojima će se izvršiti prilagođavanje ovog modela novim prilikama koje se odnose na promjena u pogledu troškova obuka za izabrane zvaničnike i državne službenike i namještenike.

Predsjedništvo Saveza je informisano o odgovoru Kongresa lokalnih i regionalnih vlasti Vijeća Evrope na molbu Saveza za podršku Kongresa u cilju usklađivanja zakonskih propisa sa Evropskom poveljom o lokalnoj samoupravi i Zakonom o principima lokalne samouprave u Federaciji Bosne i Hercegovine. U skladu s tim, Kongres će u narednom periodu uputiti u Bosnu i Hercegovinu eksperte iz oblasti primjene Evropske povelje o lokalnoj samoupravi kako bi izvršili analizu neusklađenosti zakona za Evropskom poveljom.

Članovi Predsjedništva su upoznati sa aktivnostima Saveza na jačanju kapaciteta jedinica lokalne samouprave za apsorpcijom EU fondova.

“Savez općina i gradova FBiH anketirat će općine i gradove kako bi dobili jasnu sliku koliko je uzurpirano prava jedinicama lokalne samouprave od strane kantona i Federacije BiH. Pored toga, saznat ćemo koliko je obaveza dato općinama a da ih ne prate finansijska sredstva”, kazao je predsjednik Ejubović.

Najavljena je zajednička sjednica Predsjedništva Saveza općina i gradova FBiH i Saveza opština i gradova Republike Srpske pod pokroviteljstvom Vijeća Evrope.



Sa sjednice Predsjedništva, Travnik, 31.01.2023.



OPĆINE KANTONA SARAJEVO I GRAD SARAJEVO IZRAZILI NEZADOVOLJSTVO SA ZAKONOM O IZMJENAMA ZAKONA O VODAMA KANTONA SARAJEVO



Sa sastanka u Općini Novo Sarajevo, 19.01.2023.

Sarajevo, 19. januar 2023. godine - Na sastanku održanom u Općini Novo Sarajevo, koji je organizovao Savez općina i gradova Federacije Bosne i Hercegovine, općine Kantona Sarajevo i Grad Sarajevo, izrazile su nezadovoljstvo donesenim Zakonom o izmjenama Zakona o vodama Kantona Sarajevo.

Savez općina i gradova Federacije Bosne i Hercegovine, koji je u skladu sa članom 51. Zakona o principima lokalne samouprave u Federaciji Bosne i Hercegovine, zakonski zastupnik jedinica lokalne samouprave pred višim nivoima vlasti, nije konsultovan u postupku donošenja Zakona o izmjenama Zakona o vodama Kantona Sarajevo.

Načelnik Općine Novo Sarajevo, Hasan Tanović je istakao kako je osnovna primjedba način na koji se došlo do izmjene Zakona o izmjenama Zakona o vodama Kantona Sarajevo, a koji je stupio na snagu 11.11.2022. godine. “Ono što je obaveza viših nivoa vlasti, a samim tim i kantonalnih, je da konsultuju Savez općina i gradova FBiH, kao zastupnika općina i gradova, kada se određene nadležnosti prebacuju sa višeg na niži nivo. To podrazumijeva obezbjeđivanje određenih kapaciteta, ljudi koji će to raditi i službi koje će to pratiti kao i finansijsku podršku”, istakao je načelnik Tanović.

Načelnik Općine Ilijaš, Akif Fazlić kazao je kako su izmjene ovog Zakona izuzetno teško provode u jedinicama lokalne samouprave. “U jednoj od odredbi Zakona se navodi da lokalne zajednice preuzmu mjesne vodovode što nije jednostavno jer se postavlja pitanje prava vlasnika, a tu se tretiraju oni koji su izgradili taj vodovod. Mora se regulisati to vlasničko pravo korisnika tog vodovoda i način kako ćemo to implementirati. Ovo je posebno važno jer ti vodovodi i vodni objekti nisu skoro građeni, dakle nemaju potrebnu dokumentaciju”, pojasnio je načelnik Fazlić.

U skladu sa naknadno dostavljenim komentarima i zaključcima predstavnika općina Kantona Sarajevo i Grada Sarajevo, organi Saveza općina i gradova FBiH će zauzeti stav i o tome izvijestiti javnost.

“Ono što je obaveza viših nivoa vlasti, a samim tim i kantonalnih, je da konsultuju Savez općina i gradova FBiH, kao zastupnika općina i gradova, kada se određene nadležnosti prebacuju sa višeg na niži nivo”, istako je načelnik Tanović

SAVEZ TRAŽIO OD AGENCIJE ZA DRŽAVNU SLUŽBU FBiH DA PREISPITA SVOJU ODLUKU O OBUSTAVLJANJU PROVOĐENJA KONKURSNIH PROCEDURA U JLS



Sa sastanak predsjednika Saveza sa direktorom ADSFBiH

Savez traži usklađivanje zakona koji nisu u saglasnosti sa Zakonom o principima lokalne samouprave u FBiH

Na traženje Saveza općina i gradova Federacije Bosne i Hercegovine, 19.12.2022. godine, u Agenciji za državnu službu Federacije Bosne i Hercegovine održan je sastanak kojem su prisustvovali Hamdo Ejubović, predsjednik Predsjedništva Skupštine Saveza i Refik Begić, direktor Agencije za državnu službu FBiH.

Povod sastanka je bio dopis Agencije za državnu službu FBiH upućen svim jedinicama lokalne samouprave kojim su općine i gradovi informisani da će Agencija privremeno obustaviti provođenje javnih konkursa zbog Presude Ustavnog suda FBiH U-12/22 od 12.10.2022. godine kojom je utvrđeno da članom 49. stav 4. i članom 52. stav 1. tačka 3. Zakona o organizaciji

organa uprave u FBiH nije povrijeđeno pravo općina na lokalnu samoupravu.

Direktor Agencije je ovom prilikom istakao da je Agencija za državnu službu FBiH privremeno obustavila provođenje konkursnih procedura, a da će u daljem periodu nastaviti sa provođenjem javnih konkursa.

Također, Savez će insistirati prema Vladi FBiH i Parlamentu FBiH na usklađivanju Zakona o organizaciji organa uprave u FBiH sa Zakonom o principima lokalne samouprave u FBiH u dijelu koji se tiče pitanja nadležnosti za utvrđivanje organizacije službi za upravu, odnosno nadležnosti za donošenje pravilnika o unutrašnjoj organizaciji službi jedinica lokalne samouprave, a što je zakonska obaveza propisana članom 58. Zakona o principima lokalne samouprave.

S obzirom da do danas nije izvršeno usklađivanje potrebnih propisa sa Zakonom o principima lokalne samouprave u FBiH i Evropskom poveljom o lokalnoj samoupravi, a što u praksi stvara mnogobrojne probleme, Savez skreće pažnju i insistira da se pristupi usklađivanju potrebnih propisa. O navedenom je Savez informisao Vijeće Evrope Kongresa lokalnih i regionalnih vlasti Vijeća Evrope koje je nadležno za provođenje Evropske povelje o lokalnoj samoupravi.



SAVEZ ODRŽAO OBUKU ZA VIJEĆNIKE GRADA GORAŽDE

Savez općina i gradova Federacije Bosne i Hercegovine u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“, 29. decembra 2022. godine u Goraždu održao je obuku na temu: "Transparentno finansiranje organizacija civilnog društva iz budžeta jedinica lokalne samouprave".



Obuku je vodio dr.sci Muamer Hodžić.

Na ovu istu temu, prije par dana održana je obuka u Općini Prozor-Rama, a 11. januara 2023. biće održana i u Općini Vitez.

Cilj obuke je upoznati vijećnike sa važnošću i prednostima transparentnog finansiranja OCD iz općinskog/gradskog budžeta, kao i predstaviti ulogu općinskih/gradskih vijeća u planiranju i dodjeli sredstava OCD.

Modul obuke je pripremljen u okviru ranije faze Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na projekat ReLOaD2.



ODRŽANO 11 OBUKA U OKVIRU PROJEKTA "JAČANJE ULOGE MJESNIH ZAJEDNICA U BiH"

Uvodna obuka o metodologiji i novoj viziji mjesnih zajednica za izabrane zvaničnike u jedinicama lokalne samouprave održana je u periodu od 7. novembra do 8. decembra 2022. godine u sljedećim JLS: Bužim, Velika Kladuša, Ilidža, Mostar, Drvar, Bosansko Grahovo, Hadžići, Kakanj, Lukavac, Travnik i Kalesija na kojim je učešće uzelo više od 150 učesnika.

Cilj obuke je bio upoznavanje izabranih zvaničnika sa metodologijom i novom vizijom mjesnih zajednica kako bi se podigla svijest o važnosti aktivnog angažmana građana u razvoju lokalne zajednice.

Izabrani zvaničnici imali su priliku upoznati se sa metodologijom i novom vizijom mjesnih zajednica kroz kratak prikaz zakonskog okvira, prikaz metodološkog skupa praktičnih sredstava i dokumenata mjesnih zajednica, uz povezivanje sa ciljevima i ulogom jedinica lokalne samouprave i MZ. Osim toga, imali su priliku da se upoznaju i sa novom vizijom mjesnih zajednica u BiH – osnovama, procesima nastanka i principima buduće vizije MZ u BiH, modelima nove vizije MZ u BiH, te ulogom vijeća/skupštine u lokalizaciji vizije MZ.

Ova aktivnost se sprovela u sklopu projekta „Jačanje uloge mjesnih zajednica u Bosni i Hercegovini“ kojeg finansiraju Vlada Švicarske i Švedska, a provodi UNDP. Savez općina i gradova Federacije Bosne i Hercegovine i Savez opština i gradova Republike Srpske su partneri na ovom projektu.



Sa obuke održane u Kaknju, 21.11.2022.

PLATFORMA MJESNAZAJEDNICA.BA PREZENTIRANA ČLANOVIMA MREŽE KOORDINATORA/ICA ZA RAD SA MJESNIM ZAJEDNICAMA I PARTNERSKIM JLS SAVEZA OPĆINA I GRADOVA FBiH I SAVEZA OPĆINA I GRADOVA RS



Mreža koordinatora/ica za rad sa mjesnim zajednicama održana u Bijeljini 15.12.2022. godine, a tema sastanka Mreže je nova Platforma mjesnazajednica.ba. Na ovom skupu su učestvovali i partnerske jedinice lokalne samouprave uključene u projekat „Jačanje uloge mjesnih zajednica u BiH“.

Predstavnici općina i


gradova Federacije Bosne i Hercegovine i Republike Srpske su imali priliku da se upoznaju sa novom Platformom i njenim benefitima kroz unos podataka/informacija u istu.

Platforma je namijenjena nekadašnjim i sadašnjim članovima i predsjednicima savjeta mjesnih zajednica, sekretarima mjesnih zajednica, predstavnicima općinskih i gradskih uprava koji aktivno rade na pitanjima mjesnih zajednica, te aktivistima i volonterima koji doprinose boljem funkcionisanju mjesnih zajednica za opću dobrobit društva i lokalne zajednice.

Platforma mjesnazajednica.ba je mjesto gdje se dijele pozitivne prakse i iskustva u radu, traže savjeti ili preporuke, realizuju edukacije. Na ovoj platformi se dijele informacije o aktuelnostima na polju rada i funkcionisanja mjesnih zajednica.

Ova aktivnost se sprovodi u sklopu projekta „Jačanje uloge mjesnih zajednica u BiH“ kojeg finansiraju Vlada Švicarske i Švedska, a provodi UNDP Bosna i Hercegovina. Savez općina i gradova Federacije Bosne i Hercegovine i Savez opština i gradova Republike Srpske su partneri na ovom projektu.

Platforma mjesnazajednica.ba je mjesto gdje se dijele pozitivne prakse i iskustva u radu, traže savjeti ili preporuke, realizuju edukacije.





NOVI USAID PROJEKT U OBLASTI REFORME LOKALNE UPRAVE - POZIV ZA JLS ZA APLICIRANJE


USAID počinje sa implementacijom novog Projekta pomoći lokalnoj upravi/Local Governance Assistance Activity (LGAA) u BiH. Cilj Projekta je osiguranje pomoći partnerskim jedinicama lokalne samouprave (JLS) da postanu učinkovitije, transparentnije i odgovornije u pružanju javnih usluga građanima i poslovnim subjektima te da jačaju vlastite kapacitete za ispunjavanje društveno-ekonomskih potreba svojih zajednica.

Predsjedništvo Skupštine Saveza općina i gradova FBiH na 6. sjednici razmatralo je informaciju o početku implementaciju Projekta pomoći lokalnoj upravi (LGAA), te je podržalo provođenje aktivnosti u jedinicama lokalne samouprave u FBiH, kao i uključjenje Saveza u implementaciju Projekta.

Poziv za prijavu i Obrazac za prijavu općina i gradova Federacije Bosne i Hercegovine (FBiH) radi sudjelovanja u Projektu pomoći lokalnoj upravi/Local Governance Assistance Activity (LGAA) možete naći na web stranici Saveza.

Krajnji rok za dostavljanje prijava je srijeda, 15.02.2023. godine do 17:00 sati, sa napomenom da će sa zainteresiranim JLS održati informativni sastanak u srijedu, 08.02.2023. godine u 13:00 putem MS Teams linka.

Koordinator za LGAA ispred Saveza općina i gradova FBiH je Amir Kupusija, kojeg možete kontaktirati na mail: amir@sogfbih.ba



ZVANIČNO ODOBREN URBACT IV (2021-2027)

Za period 2021-2027., URBACT IV se naslanja na prethodne programe i sadrži još više mogućnosti i prilika za gradove. Trenutni program u svoje aktivnosti integriše sveobuhvatne prioritete EU u oblasti digitalnog, ekološki osviještenog i rodno ravnopravnog kreiranja politika.

Ranije uspješne vrste mreža kao što su akciono planiranje i transfer će nastaviti s radom, a radit će se i na razvijanju novog tipa mreže kako bi se ojačale veze između Evropske urbane inicijative i URBACT metode.

URBACT po prvi put pruža podršku gradovima u zemljama sa kandidatskim statusom – Albaniji, Crnoj Gori, Sjevernoj Makedoniji, Bosni i Hercegovini i Srbiji. Njihovo učešće u programu URBACT finansira se iz Instrumenta za pretprijetnu pomoć EU (IPA). Program je sufinansiran od strane Evropskog fonda za regionalni razvoj (ERDF) sa budžetom od 79.769.000 eura i od Instrumenta za pretprijetnu pomoć sa budžetom od 5.000.000 eura za period 2021-2027.

Više informacija o URBACT IV programu možete pronaći na:

<https://urbact.eu/news/urbact-iv-officially-approved>

ODRŽANA REGIONALNA KONFERENCIJA NA TEMU MODELA INKLUZIJE MANJINA I RANJIVIH GRUPA - RAZMJENA ISKUSTAVA I PREPORUKA ZA UNAPRIJEĐENJE KREIRANJA POLITIKA



Sa konferencije u Skoplju

U Skoplju je 17. i 18. januara 2023. godine održana regionalna konferencija na temu Modela inkluzije manjina i ranjivih grupa - razmjena iskustava i preporuka za unaprijeđenje kreiranja politika.

Razmjena iskustava i dobrih praksi koju je konferencija omogućila pruža dodatnu vrijednost kontinuiranim naporima u oblasti socijalne inkluzije i kreiranju politika na lokalnom nivou u koordinaciji sa relevantnim državnim akterima u oblasti socijalnih, kulturnih i ekonomskih ljudskih prava i inkluzije ranjivih grupa stanovništva.

Konferenciju je organizovao GIZ (Deutsche Gesellschaft für Internationale Zusammenarbeit) uz podršku NALAS-a (Mreže asocijacija lokalnih vlasti jugoistočne Evrope) i Vlade njemačke pokrajine Schleswig-Holstein, u sklopu projekta "Scaling up of minorities inclusion models and strengthening of service delivery in municipal structures in the Western Balkans" u koji je uključen i Savez općina i gradova Federacije Bosne i Hercegovine.

KREIRAN PRVI OUTPUT U SKLOPU PROJEKTA „BUILDING CAPACITIES FOR INNOVATION IN THE ECO-SOCIAL ENTREPRENEURSHIP EDUCATION“ (BC4ESE)



Agencija za lokalni razvoj d.o.o. Prozor-Rama kreirala je prvi output u sklopu projekta „Building capacities for innovation in the eco-social entrepreneurship education“ (BC4ESE). Projekt je sufinansiran kroz ERASMUS+ program Evropske Unije i provodi se od januara 2022. do januara 2025. godine, a provodi ga konzorcij partnera iz Hrvatske, Bosne i Hercegovine, Belgije, Crne Gore, Srbije i Kipra.

Tema projekta je neformalno obrazovanje mladih za eko-društveno poduzetništvo, a glavne aktivnosti usmjerene su na razvoj inovativnih alata i metodologija u području digitalnog obrazovanja mladih te jačanje kapaciteta organizacija koje rade sa mladima.

U ovom outputu - e-knjizi cilj je bio dati uvid u eko-socijalnu ekonomiju u zemljama EU i partnerskim zemljama zapadnog Balkana.

Knjigu je moguće pronaći putem sljedećeg linka: <https://ecosocent.eu/eco-social-entrepreneurship-analysis-needs-obstacles-and-good-practices/>

Aktivnosti projekta moguće je pratiti putem stranica: www.ecosocent.eu

www.facebook.com/bc4ese

PRIJEVREMENI IZBORI ZA GRADONAČELNIKE BIHAĆA, SREBRENICA I TUZLE I NAČELNIKA VOGOŠĆE

Centralna izborna komisija, 7.12.2022. godine donijela je Odluku o raspisivanju i održavanju prijevremenih izbora za gradonačelnika Grada Bihaća, Tuzla, Srebrenik i Zvornik, te za načelnika Općine Bratunac i Vogošća.

Izbori će se održati u nedjelju, 5. februara 2023. godine.

Kandidati na ovim izborima su sljedeći:

Grad BIHAĆ: - DAMIR ĐUG - Nezavisni kandidat; - ELVEDIN SEDIĆ - Pomak-Pokret za modernu i aktivnu Krajinu; - AMARILDO MULIĆ - Nezavisni kandidat; - ADNAN HABIBIJA - Socijaldemokratska partija Bosne i Hercegovine; - HAMDIA ABDIĆ - Stranka demokratske akcije.

Grad SREBRENIK: - ADNAN BJELIĆ - Ujedinjeni (NIP-NS-SDP); - NERMIN TURSIĆ - Stranka demokratske akcije.

Grad TUZLA: - DERVIŠ ČIČKO - Nezavisni kandidat; - MIRNES AJANOVIĆ - Nezavisni kandidat; - HALID ŽIGIĆ - Nezavisni kandidat; - ALMIR ARNAUT - Nezavisni kandidat; - ZIJAD LUGAVIĆ - Socijaldemokratska partija Bosne i Hercegovine; - OMER BERBIĆ - Naša stranka.

Općina VOGOŠĆA: - ADNAN ŠERAK - Ujedinjeni (NIP-NS-SDP); - MIGDAD HASANOVIĆ - Stranka demokratske akcije.

NAJAVA OBILJEŽAVANJA DANA OPĆINA / GRADOVA ZA MJESEC FEBRUAR/ VELJAČA

08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove.

20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo Općinu Bužim.



21. februar/veljača - Dan Grada Ljubuški.

Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.



22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu.



22. februar/veljača - Dan Općine Jajce.

Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.



23. februar/veljača - Dan Općine Velika Kladuša.

Ovaj datum je značajan kao sjećanje na prvo oslobođenje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.



26. februar/veljača - Dan Grada Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.



29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.



Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.